



UNIVERSITÄTS-
BIBLIOTHEK
PADERBORN

Epitome Instituti Societatis Jesu

Sesti, Curtius

Bruxellis, 1690

Sect. II. De Consultoribus.

[urn:nbn:de:hbz:466:1-68440](https://nbn-resolving.org/urn:nbn:de:hbz:466:1-68440)

S E C T I O I I.

De Consultoribus.

*Qui, & per
quem eligendi.*

1. **A**djuvabunt maximè Superiorem duo, vel plures (præsertim in Universitatibus, ubi quatuor esse oportet) Consilarii, seu Assistentes: cum quibus res graviores communicet; quorum prudentiæ, & probitati multum confidat. Quamvis, eis auditis, penes Superiores sit statuendi facultas. *f* Eos deligere pertinet ad Provinciales, ita ut statim suo munere fungi possint; licèt confirmandi sint postmodum à Generali. *g* Oporteret esse distinctos à Confessariis; at si non distincti, saltem consulendi non sunt, cum de Personis agitur: *h* mutarique subinde eos convenit. *i*

f P. 4. C. 10. §. 7.
& C. 17. §. 1.
& G. & H. &
P. 9. C. 6. §. 14.
& R. Præp. 15.
& Rect. 14.
g R. Prov. 25.

h Or. c. 1. §. 7.

i Or. c. 1. §. 11.

*Quid ipsi in se
curare debeant.*

l R. Conf. 1. 2.
3. 4. 5. 6 7. &
13. 14. 15.

*Quid erga per-
sonam Superio-
ris,*

2. Quales verò se præstare debeant, describitur in eorum Regulis, ubi jubentur afferre ad munus non levis momenti, convenientem zelum, Obedientiæ conjunctum, modestiam, caritatem, peritiam Regularum, & Instituti. *l*

3. Si quid circa victum, & vestitum, labores, & occupationes Superioris, aut circa

circa gubernationem moderandum, ad
augendum, vel mutandum censerent; il-
lum, præmissa oratione, admonendum
curent; quod ferè per Admonitorem fa-
cient; *m* & quascumque demum difficul-
tates, ad suam personam pertinentes, pa-
tiantur Superior, Consultorum sententiis
acquiescat. *n*

4. Cum his autem Superior conveniet
singulis, vel saltè alternis hebdomadis,
& semper unà perlegant aliquid ex Regu-
lis, Ordinationibus, & similibus. Prima
verò cujusque mensis hebdomada agatur
de executione: an serventur, quæ præ-
scripta sunt in Regulis, & Ordinationibus;
præsertim quæ à Provinciali in memoriali
relicta sunt; quas eodem ipso tempore legi
oportebit, si nondum executioni mandata
sint; & ad faciliorem hujus mensuræ con-
sultationis usum possent præscribi nonnul-
la examinanda, magis inhærendo iis, quibus
nondum planè satisfactum videtur. *p* Præ-
terea singulis, aut alternis saltem mensibus,
Rector habeat consultationem omnium
Magistrorum infra Logicam, præsentè utro-
que Præfecto, ceterorum etiam interdum,
præsentè Præfecto Generali. *q*

5. Cum Superior aliquid statuerit, ju-
diciam suam illi submittent tum interius,

L 1 2

tum

m P. 9. c. 4. §.
2. 3. 4. & c. 5.
§. 2. & c. 6. l.
& C. 1. D. 82.
& R. Conf. 12.
n Ex. c. 3. §. 12.
& D.

*Quoties consu-
lendi, & de
quibus.*

o R. Præp. 15.
Rect. 14. &
Or. c. 2. §. 10.
19. 20. & C. 6.
D. 36. §. 2. 3.
& 5. & In. 18.
§. 5.

p C. 6. D. 36.
§. 7.

q St. R. Rect.
18.

*Modestia, &
Secretum ab iis
servanda.*

tum exterius; immò susceptam deliberationem Superioris apud alios tuebuntur. Quod si videretur rem ad alium Superiorem esse deferendam; id præmissa oratione fiat apud immediatum illius; aut, si is non provideat, ad supremum. *r* Poterunt tamen, etiamsi non interrogati, Superiori proponere, quod publicè, vel privatim expedire judicaverint. *s*

r R. Conf. 7. &
In. 18. §. 12.

s R. Conf. 2.

Secreti retinentissimi sint; nec, quæ in Consultationibus agitata sunt, evulgent; & Superiores tenentur, qui in hoc deliquerint, punire, pro culpæ magnitudine, etiam usque ad muneris Consultorum, aliorumque non inferiorum privationem. *s*

t R. Conf. 9. &
C. 7. D. 23.

*Quoties, & de
quibus scribent
ad Superiores
mediatos.*

u P. 4. c. 17. §.

7. & L. & P. 8.

c. 1. §. 9. & R.

Conf. 10. &

For. Scrib. R.

20. & C. 7. D.

91. & Or. c. 10.

§. 3.

x For. Scrib.

R. 21.

y Cl. c. 2. tit. 2.

§. 3.

6. Scribent ad Provinciam bis in anno, mense Januario, & Julio; & ad Generalem singulis annis, mense Januario. *u* In his literis, præmissa oratione, & re maturè considerata, syncerè, & sine amplificatione significabunt, quod sibi de Superioribus, ac de eorum administratione, ac rerum statu scribendum in Domino videatur. *x* Capita verò materiæ in literis ad Generalem, distinctiùs tradita Ord. Cap. 10. quibus addendum, quid fiat, aut præmittatur circa executionem, *y* & speciatiim, an vigeat praxis collationis Domesticæ Casuum Conscientiæ, juxta Regulas,

gulas, & Decreta. Et an serventur præscripta ad custodiam castitatis, ac præcipue circa visitationes, & socios. Ad executionem omnium promovendam ex §. 4. Decr. 36. Con. 6. formanda sunt capita, de quibus Superiores, & Consultores scribere debent ad Provinciam; quæ desumi poterunt, magna ex parte, ex iis, quæ proposita sunt pro Generali. Præterea ad Provinciam scribendum est; quomodo Præfecti spirituales idonei sint, & suo muneri satisfaciant. Et an ab aliquo peccatum sit, linguâ, vel calamo contra caritatem proximo debitam, & qualiter correctio adhibita, juxta Decr. 19. Con. 12. Hæc literæ sigillo (quod apud Admonitorem erit) obsignatæ, mittentur; nec quisquam eorum sciat quid aliud scripserit. Deforis in tergo geminato CC. distinguantur.

z C. 13. D. 27.
a In. 15. c. 2.
§. 7.
b In. 10. §. 12.
c P. 4. c. 17. L.
& R. Conf. 10.
& For. Scrib.
R. 23.
d Or. c. 10. §. 3.

SECTIO III.

De Admonitore, & Collaterali.

QUOD cum Præposito Generali agendum præscribitur, ut aliquis à Societate designatus, postquam Deum consuluerit, & æquum esse judicaverit, cum modestia, ac humilitate debita eum admo-

Admonitoris munus.

